

Opuscula

Opuscula

F E R V I D I

Academiae & Ecclesiae 8
D O L O R E S;

in obitu

PERILLUSTRIS olim CLARISSIMI
&

ADMODUM REVERENDI DOMINI,

D. M. FRANCISCI
K A L E W S K I,

Sacrae Theologiae DOCTORIS & PRO-
FESSORIS, Collegae Majoris, Ecclesiarum; Collegi-
atae Sanctorum Omnium & Parochialis Vetro-
Korczynensis PRÆPOSITI, Contubernii
Sisniani PROVISORIS,

dum in Ecclesia Collegiata D. ANNÆ,
cum lachrymis omnium tumularetur;

Per

M. ANTONIUM ZOŁEDZIOWSKI,
Philosophiae Doctorem, ejusdemq; Regium Professore, Collegam
Majorem, Ecclesiarum; Cathedralis Concionatorem Garvascianum,
Collegiatarum; S. FLORIANI ad Cracov: Primicerium, S.
ANNÆ Canonicum, Parochialis Ilcussiensis Præpositum,
in paginam extemporaneò calamò

E F F U S I.

Annò Domini 1747. die 4tâ Decembris.

Typis Collegii Majoris Universitatis Cracoviensis.

Dolor Academiae.

Cur nullū in saxū mea membra dolore rigescūt,
Nonne meo minor est quisq; dolore dolor.

Saxea fit Niobe nimio si victa dolore,

Non animum excruciant damna minora meum.

Et vivo, nec facta silex, sed vivere votum est,

Ne sensum amittam, saxea facta, mali.

In lachrymas ibunt oculi dum vita manebit,

In questus voces, in mea verba dolor.

Sed quia communem communia damna dolorem

Poscunt, in planctus & manus una parū est.

Lucas Velozo.

Dolor Ecclesiae.

Hæc mihi rapta queror vitæ solatia, quando
FRANCISCUM è terris mors inopina rapit,

Hinc dolor, hinc lachrymæ, neq; enim suspendere fletū

Si qua venit subito, magna ruina potest.

Fundite perpetuos mea lumina fundite rivos,

Crescant de nostris flumina luminibus.

Idem.

FERVIDI

Academiæ & Ecclesiæ DOLORES.

Eadem est persæpe gaudiorum & luctuum
materies!

ridet abjectis in mare opibus Crates,
flet vix nō excors unō nummō amissō avarus.
Fracta navi mergitur in lachrymis naufragus
Mercator,

ille qui Maris ejectamentis vivit, exultat.
Plorant Parentum suorum tata filii,
at de patrimonio relicto gaudent.
Quos labor nutrit, dolent super occasu Solis,
læti quos somnus.

Eadem quoq; frequenter gaudiorum est ratio ac luctuū,
utrumq; persæpe mentimur,
in luctu hilares,

ubi gaudiorum datur materies luctuosi.

Plerumq; tranquillitas est in animo

& tempestas in oculis,

vultus ridet, at Cor doloris procellâ obruitur.

Multi cæpas & allia oculis admovent, ut flere,

multi stibia & cerulsas,
ut ridere videantur.

Dum dolent sese fingunt Democritos,
dum gaudent Heraclitos mentiuntur.

Aliàs

forinsecus solùm flent vel gaudent,
ut Parcæ parcunt,

ut luci lucent,

ut gemmæ gemunt,

sic illi tristes sunt, vel læti.

Aliud gestu & vultu explicant,
aliud mente gerunt, & animò cogitant,

fervent intra æstu gaudiorum,

dum extra dolore glaciantur;

intepescunt medullitus, si fervent extimè.

Alia hìc luctuum materies & ratio;

postquàm

Perillustis olim Clarissimus & Admodùm Reverendus Dominus,

**D.M.FRANCISCUS
KALEWSKI,**

Sacræ Theologiæ Doctor & Professor,
Ecclesiarum; Collegiatae Sanctorum Omni-
um & Parochialis Vetro-Korczynensis

P R Æ P O S I T U S,

Contubernii Sifiniani Provisor, occubuit.

Dole-

Dolemus in hujus Viri obitu omnes,
Cujus mors

*Omniū quotquot docti sumus jactura,
quotquot Doctores, omniū dispendium,
quotquot eruditi, fatum est singulorum.*

Omnes hīc sumus Heracliti,
in luctu fervemus omnes,
cum ille calore naturali & vitā destitutus,
qui & amore Superūm fervidgerat *ut Seraphim,*
& scientiam DEI callens *ut Cherubim.*

Callidum tamen ne dixeris;
Veritati studuit tenerior Catholicus,
veritatem investigavit Philosophus,
veritatem docuit Doctor Theologus,
hypocrisim ignoravit.

Quanquam in operando fuit fervidus,
studiō Literarum ferbuit,
callidus non fuit,
contra neminem efferbuit.

Implevit Cognomen suū absq; omni defectu,
Aurelios, qui sine scoria,
Fulgentios, qui sine fulgure & fuligine
Lucios, qui sine fumo vixerunt; æquavit.

Nec Nomen inane gessit,
quia non in Umbria natus,
ortus non quidem illustres habuit, sed claros,

b

in

in Majori Polonia non exiguos.
Patriam tamen
ceu *Umbriam FRANCISCUS illustrem fecit **
& docuit;

*Soles ex umbris prodire,
gemmas in concha nasci,
inter fragmina rupium adamantes,
nucleum in cortice.*

In hoc erga Patriam fuit injurius,
quòd Majoris Poloniæ Filius,
ut à teneris cæpit,
minimum se usq; ad extremum, lenfit.

Scientiâ etiam supremâ non inflatus,
virtute quantumvis sublimi non elatus,
meritis licet grandibûs non turgidus.

*Non ut coaxantes ranæ vivunt, vixit,
non ut folles ventô inflati tumuit,
non ut attollunt se inanes aristæ, se extulit.*

Quantumvis gigantes æquavit,
palmô se semper mensus est.

Teneram ætatem Musis Academicis
Posnaniæ excolendam præbuit,
& Laureis Doctoralibus in Pineto, *
Sacris & profanis Cathedris in Tusculo,
in Isthmo etiam vasta absorbente ingenia,
Philosophico & Theologico prælusit æquori.
Et

* Basquier.

* Stemma Academiæ Posnan: Pinus.

Et quia
ad præmia eruditæ virtutis,
inter Regni Provincias,
minimam Majorem noverat Poloniam;
secum in Minorem
virtutē & eruditionē detulit non exiguam,
ut aurum ad coronam,
ut gemmam ad annulum,
ut divitem gazam ad pretium.

Eatenus

Laureæ Philosophicæ ingesserunt se ultro ejus capiti,
ut cum gloria ipsarum sit, non cuilibet vertici insedisce,
& ornarentur ipsæ, & ornarent.

Succesere vota,
accessit Laureis honor,
quòd tam eruditum Verticem obsederint,
accessit Capiti,
quod quæ summos Vertices ornant Laureæ,
in eo confederint.

Et quanquàm
Laurea aliis à laborum æstu umbra est;

Ille ab otio semotus,

à socordia alienus,

quietis plane ignarus,

vixit sub Laureæ operosus.

Laurea cum ad agenda fortia provocavit,
ut sanguis visus ad iram elephantem,

Miltiadis trophæa ad generosos actus Themistoclem.

Non ergo sub lauru dormiit,
sed ad Scholas Pinczovienses destinatus Professor,
in Illustrissimum & Excellentissimum Dominum,

D. JOSEPHUM

Marchionem in Mirow

GONZAGAM

MYSZKOWSKI,

Castellanum Sandomiriensem,

Fundatorem obsequia,

in Juventutem eruditionem,

in Cives omnes profudit affectus.

Cos acuendis ingeniis,

exercendis speculum,

imitaturis vix imitandum exemplar datus.

Nobilî ingeniô primû Studentibus Professor,
post Docentibus præivit, Studii Director.

In eo æquavit Aristotelem,

quòd ut illi Alexander,

sic huic *Perillustris & Reverendissimus Dominus,*

D. ADAMVS

KOMOROWSKI,

Ecclesiarum Cathedralis Cracoviensis,

Col-

Collegiatarum; S. MICHAELIS in Arce
Cracoviensi & Pilecensis

P R Æ P O S I T U S,
ABBAS Commendatarius Andreoviensis,
in quem Infulæ & Regni Ministeria conspirāt,
&

Illustris ac Magnificus Dominus,

D. S T E P H A N V S
T E G O B O R S K I,
Capitaneus Bochnensis,

Aviti sui Srzeniavæ gemma & pretium,
instituendi obtigerant.

Inde ad Universitatem rediit,
Aristotelem interpretatus doctè,
Veterū Philosophorū errores refutavit solidè,
Novatorum elisit, & elusit fortiter.
Meritò Artistarum Princeps evaserat,
fangvineo sudore allicuit Purpuram,
ut gestaret,

gemmeo tinxit, ut ornaret.

Posthàc Cathedram Theologicam ascendit,
& ut in naturalibus scientiis Aristotelem,
sic in supernaturali THOMAM vix non attigit,

in docendo planus,
in arguendo subtilis,
in solvendo promptus,

in explicando facilis.

Evolvitur quod in Summa THOMÆ reconditū,
enucleavit, quod difficile,
explicavit quod nodosum,
resolvit quod ambiguum.

Meritò Lydius ingeniorum lapis effectus;
octenniō ordinandorū & approbandorū Examiner,

curavit ut ab Aris idola arcerentur,

à Vineâ Domini trunci & stolones,

ab Ovili CHRISTI Pastores ignavi,

à Sacro Tribunali Judices indocti.

Ipse bonorum Pastorum forma,

exemplata Cleri idea,

ut intaminatè vixit,

sic Ecclesias rexit prudentissimè.

Tutelarem suum imitatus,

cum Lateranensem ille,

hic Zielonecensem primò, post Vetero-

Korczynensem Ecclesias,

non suffulsit modò,

sed è mediis ruinis extulit;

in ornamenta suarum Sponsarum effusus,

in commoda liberalis,

in usus prodigus.

Erga Oves affectu propensus,

erga subditos benevolentia plenus,

erga

erga omnes affabilitate conspicuus,
ad omnem bonitatem à natura compositus.

Acer tamen in vitia,
ut illa ipse abhorruit,

fic ab eis non unum deterruit.

Tantus illi in prædicando zelus,
ut Verbo Domini uteretur pro gladio
scelera plecteret, ut ad virtutem inflecteret.

Blandus tamen etiam cum in vitia inveheretur erat;
aspera semper suaviter locutus,
vehementia lenissimè.

Idcirco Cathedralem vocatus ad exedram,
trienniò principalissimis ibidem Festis prædicavit,
quòd Sacrorum Oratorum prope Princeps haberetur.

Hinc apud Principes æstimationem,
apud Sacrum Senatum gloriam,
apud omnes plausus meruit.

Domi verò Doctoralis illi
in Theologia crescebat Laurea,
pro qua ut pro Troja Hector,
in Cathedra Professor decenniò decertabat.

Et hanc tamen,

*ut in præteritorum laborum præmium,
sic in subsequentium pignus acceperat.*

Sudores alios illa absterfit
& alios provocavit.

Sceptris enim Rectoralibus eam conjunxit;

quæ qui gerit,
*multitudine curarum obruitur,
negotiorum mole premitur,
continua sollicitudine obsidetur.*

Arduum quippe & difficile
Doctorem & liberorum regimen est,
Sapientibus præesse,
*Ars artium & quædam sapientia sapientiæ **
Sciverat hanc artem
ter Universitatis RECTOR Magnus,
sapientes suaviter,
liberos rexit efficaciter.

*Fortitudinem cum lenitate miscuit,
Authoritatem gratiâ temperavit,
Fustitiæ clementiam adjunxit.*
Nonnunquam Sceptra in vapulatorias delinquentû virgas
aptavit,

sed quæ nonnunquam umbratiles nisi ictus facerent.

illiadem nucleô premo;

Rector Universitatis erat,

qualem & aurea Sceptra,

& Regnum exigit Literarum.

In Cathedra Theologica Professor,
qualem supernaturalis polcit scientia,
in Philosophica, quantum rerum Divinarum,
& humanarum cognitio.

Aca-

Academiam doctis,
Ecclesiam sacris laboribus cumulavit,
utriusq; gloriam auxit meritis vivus,
utriusq; dolores provocat extinctus.

Lugent Doctorem Cathedræ,
Exedræ Oratorem sacrum,
squalent, quas erexit Aræ,
vestimentis viduitatis suæ indutæ,
flent suum Sponsum Ecclesiæ.

Nec mirum quod tanti Viri fata,
etiam Vobis ultimæ voluntatis Præstitites,
*sunt ad divisionem animarum,
ad tormenta viscerum,
ad pressuram cordium.*

Ploras senio & rectitudine candidum olorẽ,
Perillustis & Reverendissime Domine,

**D. M. MATHIA
ZIETKIEWICZ,**

Sacræ Theologiæ

Doctor & Professor,

Collegii Majoris SENIOR PATER,
Ecclesiarum; Cathedralis Cracoviensis

CANONICE,

Parochialis Zarnovecensis PRÆPOSITE,
Librorum Diœcesane CENSOR, &c.

d

quod

quòd illum Tibi amicum eripuerunt fata,
cum quo erat Tibi unum cor & anima una.

Venis & Tu in partem luctuum.

Perillustis Clarissime & Admodum Reverende Domine,

D. M. ADALBERTE
GOSZKOWSKI,
Sacræ Theologiæ Professor,
Collega Major, Ecclesiarum Collegiatarum;
S. *FLORIANI* ad Cracov: Canonice,
Visliciensis Decane, Parochialis
Prosovicensis Præposite,
qui ut Tuos affectus exhibebas vivo,
ita tactus dolore cordis intrinsecus,
mæstus exhibes mortuo.

Augent pompâ funebrē Academici Ordines,
& dum unâ quasi pupillâ
extinctum sibi lumen plorant,
ego in hac pagina velut in spongia,
collectas dolentium lachrymas exhibeo.

Executoribus sera fata,
Defuncto in instanti æternam precor
requiem.




ti
e.
M
o-
m
o
es
er
ne
a-
ur

lo
e-
y-
ri-
e-

卷之六

卷之四



P.P.

22.000,-

3.XII.13



Bibliotheca
P.P. Camaldulensium in Bielany

Depozyt w Bibliotece Jagiellońskiej



02350

